



Ka Jingkut ka Pyrtnei



URamadeep u pynkhih ka met ka phad
ban pynaram ia ka met tymmen jong u.
Ha kine ki sngi ki mat jong u ki la nang
kham pang shuh shuh, bad katba u khmih sha
ki lyngkha kba, i kumba ki rong ki byrngut lut
baroh. U lah ban iöhsngew ia ka pyrsa kurim
jong u katba ka dang shet jingshet, bad u la ju
pyrkhat lada ki dkhot ka longiing ki kheiñ ia u
kum ka jingkit bakhia ia ki. Ka jinglong tymmen
kam dei kaba suk—ym tang ia u hynrei wat ia
kito kiba sumar ia u ruh kumjuh.

U ju pyrkhat ia kaei kaba u nonghikai u la
ju iathuh ia u ha ki por ba u dang samla bad
u dang lah ban leit sha ka templ. U nonghikai
la jong u la ong ba don saw tylli ki juk ha ka
pyrthei—kawei hadien kawei pat ka nang san
na kaba sniew sha kaba kham sniew shuh shuh.
Ka juk bakut syndon—ka Kali Yuga—kan long
ka juk kaba sniew tam na baroh, kaba dap da
ki jingthala, ki jingjynjar bad ka jingdum. U
Ramadeep u la pynhiar mynsiem jylliew. Lehse
kane ka Kali Yuga ka long khyndiat kum ka
jinglong tymmen—ka jingnoh bad jingtlot kaba
hiar arsut khatduh iawai na kata kaei kaei kaba
bha kaba la ju long mynnor re. U la iöhsngew ia
ki khubor, kumno ki briew ki ia iap na ki jumai,
ki jingpang, ki jingshah pyniäp, bad ki thma.
Kito kiba lait-im na kine ki kylla long kiba beh ia

ka spah pyrthei, kiba diaw bad kthang mynsiem, bad kiba lyngkar ka jingim.

Lano kane ka pynthei badap jingjynjar kan kut noh? Hato lah mo ïa ka met tymmen jong u—bad ïa kane pyrthei kaba la jot bad la sniew—ban pynim thymmai pat?

Ka jingiathuh ïa kaei ka ban sa jia ha Pyrthei

Nga kwah ban pynithuh ha phi shaphang U Nongiathuhlypa bakynja-blei, nga shaniah skhem ha ki dak ki shin kiba U la hikai. Uta U dei U Trai Jisu Khrist. U la wan sha ka pyrthei kum u briew, ban pynkhiah ïa kiba pang, bad U la hikai bad ïathuh kumno ki lah ban rung sha ka Hima ki Bneng. Mynba u dang don 33 snem ka rta U la aiti ia la ka jingim ban long ka jingkñia. Hynrei U la mih pat na ka jingiap da ka bor phylla! U la ong ba lada ngi shaniah bad kohnguh ïa ki ktien jong U, ka jingkñia jong U kan pynïoh ha ngi ka jingmap bad ka jingpynlait im.

U Trai Jisu U kren shaphang ka ban sa jia ha kane ka pyrthei, bad U la ong ba un sa pynkut ïa baroh ki jingbymman ha kane ka pyrthei. Ka kot jong U, Ka Baibl, ka long ka Kot kaba dap da ki jingiathuhlypa. Ngì dei ban shahshkor ia ki jingiathuhlypa jong U khnang ba ngin tip bad sngewthuh kumno ba ka jingkut ka la jan wan.

Kaba Kut Noh ka Pyrthei

Ha kawei ka sngi, ki nongbud jong U ki la kylli, “Kaba kumno ka dak ka jingwan jong me, bad kaba wai noh kane ka pyrthei?” (ka Baibl, Mathaios 24:3). U Trai Jisu U la iathuh ba shuwa ka jingwai noh ka pyrthei, yn iohi ia ki dak ki shin kiban ai jingsngewthuh ia ngi ba ka por ka la jan. Kine ki dak ki kynthup:

1. Ki Nongpynim Shukor. U Trai Jisu U ong, “To sumar ba uno uno ruh un ym shukor ia phi. Naba bun kin iawan ha ka kyrteng jong nga, ki da ong, ‘Ma nga uba U Khrist’, bad kin shukor ia shibun” (Mathaios 24:4–5). Ngim dei ban shah shukor ha kine ki nonghikai lamler kiba kam ba ki dei U Trai Jisu. Ka jingwan shisha jong U yn iohi da ki bynriew baroh kylleng ka pyrthei— “kumba mih ka leilieh kaba phalang na mihngi sha sepngi” (Mathaios 24:27)—kane kan jia hadien ba ia kane ka pyrthei yn pynkhynñiuh da ki khlam ba shyrkhei.

2. Ki Thma bad ki Jingbna jong ki Thma. U Trai Jisu U la ong ruh, “Phin sa iohsngew shaphang ki thma bad ki jingbna ia ki thma. Phim dei ban sngewkhuslai; naba ka dei ba kine kiei kiei baroh kin long: hynrei, ka

bakut kam pat la jia. Naba ka kynja bynriew kan ieng ialeh ia ka kynja bynriew, bad ka hima ruh ia ka hima” (Mathaios 24:6–7). Katba ngi poi sha ki sngi bakut ka pyrthei, ki thma kin jia kham khah khah bad kin long ruh kham jur bad kham tynggeh.

3. Ki Nemsniew, ki Jumai, bad ki Jingiäp-them. Ka dak kaba lai kaba U la iathuhlypa ka long ba “kin long ki ‘nemsniew bad ki jingiäpthem ruh, bad ki jingkhynñiuh jumai ha shibun ki jaka. Hynrei, kine baroh ki long tang ki jingsdang ki jingjynjar” (Mathaios 24:7–8). Palat ar klur ki briew ki la shitom na ki ‘nemsniew naduh ba sdang kane ka spah snem ba mynta. U jumai ba jia ha Nepal ha u snem 2015, uba la shim ia phra hajar ngut ki mynsiem briew, u long u wei na ki jumai ba shyrkhei tam. Ki jingpang ki la pyniäp ia ki hajar ki jingim. Shisha, ngi iöhi shai ia kaei kaba U Jisu U la iathuhlypa.

4. Ka Jinghiardor ha ka longbriew man-briew. U Trai Jisu U la ong, “Te namar ba ka pop kan man bun, ka jingieit kiba bun kan man khriat” (Mathaios 24:12). La tharai ba don kumba 91 ngut kiba shah leh be-ijot

bad 79 ngut kiba shah pynäp ha ri India
man la ka sngi. Ki briew ki ieit bad pyrkhat
tang ialade ba kim salia shuh ba kumno
bad katno ki jingleh jong ki ka pynmong
bad pynjynjar ia kiwei pat.

U Trai Jisu U la iathuhlypa ba kine kiei kiei kin
jia ha shuwa ka jingwan jong U ha ka burom.
Katba ngi iohi ia kine ki dak ba ki urlong, ngi
lah ban pynthikna ba ki jingiathuhlypa jong U
ki long kiba shisha bad ka jingwan jong U ka la
jan bha!

Ka Jingpynkhreh ia ka jingwan U Trai Jisu!

Kito kiba im tang ha ka jingkhwan lade, kiba
sarong, bad kiba im ha ka jinglong bymman kin
ym sngewbha ia ka jingwan jong U Trai Jisu. Ha
ka jingshisha, haba Un wan ha ki lyoh, ki kam
bymman jong ki baroh kin hap halor jong ki
kum ka jingpynjot bakhraw. Kin wad jaka ban
phet rieh na ka khmat jong U bad kin pyrtä ha
ki mawsiang bad ki lum, "To hap halor jong ngi
bad buhrieh ia ngi na ka khmat jong Uta Uba
shong ha ka khet!" (ka Baibl, Jingpynpaw 6:16).


Hynrei kito kiba shaniah ha ka jingkña
jong U Trai Jisu, ia ki yn sa pynkylla ha ka
shikhyllipmat bad un ai ruh ia ki ka met ka
bymäp shuh. Yn sa rah noh ia ki ha ki lyoh ban

lait na ka jingjot bad jingsniew ka pyrthei junom.
Lada phi kwah ban don bynta bad kito ki ban
iakmen bymjukut, phi lah ban duwai mynta ia
kane ka jingduwai:

*Ah U Blei Nongthaw baieit, nga ngeit ba U
Trai Jisu Un sa wan shen. Sngewbha hikai ia
nga kumno ngan tip, ithuh bad shaniah ha
U Trai Jisu mynta khnang ba ngan lah ban
don bynta lang bad kito kiban shah rah sha
bneng. Amen.*

Lada phi kwah ban tip kham bniah shaphang
ka jinglathuhlypa ka lawei U Trai Jisu, sngewbha
phone ne thoh sha ngi lyngba ka jingtip ba la ai
hadien jong kane ka kot.

Jingpule shuh shuh



Scan ia u QR code ban
tip kham bniah.

